

咸寧縣志序



志猶詩也詩者先王以之觀風  
問俗審類察物善惡貞淫不勞  
而辨山水土木不歷而知朕自  
四始六義之旣絕而聖人懼懼  
而作春秋春秋天子事也自茲  
以還史之體以正而史之義較

咸寧縣志

席序

嚴自非奉

命昭修郡乘邑志又豈可妄托史  
例耶世之以志例史者余甚懼  
之但風俗不可不定物類不可  
不明及貞淫不可不辨山水土  
木不可不知舍志又烏從而定  
之明之辨之耶志猶詩也詩不

可一日而不存志豈可一日而  
或廢哉吾咸寧古雍州各地其  
風俗之醇厚物類之詳備善惡  
貞淫之足以垂後而懲今山水  
土木之足以仰觀而俯察志其  
不可一日無也邑自陳北海志  
後簡斷帙殘故刻烏有卽遺冊

間有存者亦舉甲失乙大爲憾  
事吾邑侯頴上黃公蒞任始卽  
欲纂葺乃百務未遑又以志巨  
典不欲苟且會司馬中丞賈公  
修全陝通志檄徵各屬邑志公  
爰敦禮紳士彙補成藁乃未幾  
而又缺夫志在他邑于今日爲

繼志在咸寧于今日爲創創非  
易事也于是再延青衿陳子徽  
五楊子馥遠詳加搜括有輯于  
舊牘者有輯于傳聞者有輯于  
別書斷碣者磨研編次頗成書  
侯不憚煩兼總條貫之惟謹越  
六月成二十萬言文約事詳闕

疑存信亦猶詩之有風可觀有  
俗可問有類可審有物可察有  
善惡貞淫之可辨有山川土木  
之可知耳侯若曰吾盡吾職如  
是而已敢自托史例也哉此侯  
作志之志也余故表而出之  
康熙戊申孟冬之吉

賜同進士出身福建等處提刑按察使司按察使席式序

咸寧縣志序

吾邑志成邑侯黃公不遠數千里走藁質余以序余閱旣而弁以言曰侯賢矣以吾邑劇居省會機務蝟集輪蹄梭梭以他人之賢爲之應酬日不暇給侯所  
在赴節政通民和績登卓異之

剡而其餘力又能昭回文獻侯賢矣績不可一世矣邑自陳公志後近六十年所雲物山川事蹟風尚多所移易毋論故志不存卽存之亦難守殘而治此志之修所以不可已也雖然志豈易爲哉務簡則畧徒博則蕪工

于詞而理舛詳于事而情訛徇情則美刺失真剿說則名實不當志豈易爲哉乃茲之羅名流以纂修出大識以獨斷爲卷八而綱舉爲則九十九而目張其間天道昭地理辨人倫正法紀彰文章著簡而不踈博而不濫

核而不誣近足備觀風之採遠可示鑒誠之資侯賢矣績不可一世矣昔者典謨記而人極立書有明訓矣秦廢典籍人懷苟且之心士鮮廉隅之行後世譏之列國言動記以史官而人心以勸風俗以懲由此觀之志之

所關誠鉅矣在侯曰志也非史也迹其記載詳明美惡不掩而勸懲之機以具侯賢矣績不可一世矣余敢以侯之志吾邑者還以志侯之績是爲序

皆

康熙七年歲在戊申菊月之吉

鴻臚寺卿周之桂撰

咸寧縣志序

邑之有志志邑實也知其實而體之則  
邑治舉矣咸古無志有之自北海陳公  
始狀歷世久遠版籍不存余承乏茲邑  
首詢及此徧索究未能得即憤狀思欲  
興舉適會都御史賈公有徵志之檄遂  
敦禮士夫之賢者方爲彙集旣而獲其  
二卷補續成草以備通志採摭及竣遺

落又半志乘邑治之大而顧聽其缺焉  
弗輯余知之謂何且何以模今範後耶  
於是再延邑士陳楊二子更爲修纂博  
採志記旁摭輿論無者有之冗者財之  
殘者補之譌者正之余不辭奔踈兼總  
而裁定之質之薦紳先生較閱而評序  
之凡六閱月而告竣余因撫卷而嘆曰  
邑無志而有志有志而無之又久更幾

有無而志成志其易言哉或曰志即史也宜其成之不易余曰否不然史志之全體志特史之一肢爾自典謨著而史之源開列國沿之各有史官以掌記時事春秋作而史之權重寓衮鉞于褒貶筆削之中治天下之大機遂莫踰于此也厥後國廢而邑史遂流而爲志志者記也事詳而不譌詞簡而能括善善修咸寧縣志

序

二

而惡惡短是其體爾狀則將無有同乎曰其不同者論斷之微權而同者傳信之精義也且史之權

天子操之館閣治之諸侯不得而與况邑令乎哉故曰志者記也記其星輿而邑之時利可知也記其建置而邑之局度可知也記其田賦而邑之輸將可知也官師記而知其治化之得失選舉人物

記而知其賢才忠孝之挺生古蹟雜志  
記而知其遺址足以寄慨小道亦有可  
觀至于藝文記而經國之大業以著不  
朽之盛事以昭志者記也不信不如其  
無記不信即知之亦不貴茲志也昉星  
輿訖藝文爲卷凡八自分野至志銘爲  
目九十有九質以殘本參以經傳證以  
詩史續以繼起更以跋涉訪以故老存

其是者刈其非者辨其似是而非似非  
而是者撥之灰燼之餘歷以寒暑之久  
以不敢誣古之心不敢自誣即以不敢  
自誣之心並不敢誣後人也以云簡則  
簡矣以云能括則未也以云未詳則有  
之以云未真庶幾免矣况善善長而惡  
惡短尤其余之夙志哉異日者道軒採  
風齋之史館筆削之下善以勸而惡以

懲光山川而媚雲物其有藉于斯乎其  
有藉于斯乎寧啻余一時之知邑實一  
時之舉邑政也耶故旣壽梨棗而弁余  
言以爲序

康熙七年歲次戊申菊月之吉

文林郎知咸寧縣事賴上黃家鼎撰



此为试读, 需要完整PDF请访问: www.ertongbook.com

咸寧縣志目

第一冊

卷之一

星輿

分野 疆域 形勝 山川 橋渡 渠堰 井泉附  
景致 水利 風俗 物產

卷之二

建置

城池 沿革 縣署 學校 貢院 書院 社學附  
壇壝 廟祠 行署 雜署附 驛遞 倉廩 舖舍  
坊第 市鎮 兵防 建封

咸寧縣志

卷之一 目

卷之三

田賦

田畝 糧石 戶口 起運  
存留 屯田 鹽引附 學庄

第二冊

卷之四

官禮

官誥 名宦 公儀 祀典  
樂器 樂考

卷之五

選舉

薦辟 進士 舉人 貢士 例貢  
恩馳 廕叙 吏典 武科

卷之六

人物

鄉賢 忠節 武勳附 孝義 鄉耆  
隱逸 寓賢 技術 節烈

第三册

卷之七

古蹟

城關 宮殿 苑囿 池亭  
名勝 陵墓 寺觀 石刻

雜志附

咸寧縣志

卷之一

目

二

祥異 仙釋  
異聞 正訛

第四册

卷之八

藝文

詔 璽書 策 制 勅 書 議 奏 封事 疏  
詩 賦 策 表 頌 書 序 碑 記 論  
銘 題 傳  
墓志 著述

咸寧縣志

圖目

星野圖

疆域古蹟圖

會城圖

縣署圖

廟學圖


隋都圖

唐三內圖

咸寧縣志

星分東井與鬼圖

唐天文志  
日東井居  
兩河之陰  
當地絡之  
西北華陰  
以西北地  
是與鬼居  
河之陽當  
地絡之東  
南華陽以  
西南地是



圖




咸寧縣志

疆域古蹟圖


北斗魁分主圖

春秋文耀曰華岐以北龍門積石南至三危之野雍州也屬魁星隋志曰斗一至四爲魁魁一星曰天樞主秦



歌曰北斗之宿七星明第一主帝爲樞星第二第三璇璣是第四名權第五衡開陽搖光六七各紫宮之次是諸星

地入紫參圖歌曰三星相近作參紫霄上座旗直指天總是七星紫相侵兩肩雙足三爲心伐有二星足裏深玉井四星右足陰屏星兩扇井南襟軍井西星屏上吟左足下同天則臨則下一物天屎沉




圖

二

咸寧縣志

會城圖

嘉靖五年巡撫王薰建樓  
隆慶二年巡撫張社堯磚



圖

三



咸寧縣志  
縣署圖

即隋唐京城宋金元皆因之明初都督漢英增修周四十里高三丈池深二丈濶八丈

圖

四

